

福建通志

第捌拾捌冊

孝義傳

唐

黃祖建州邵武人母喪廬墓三年有芝產墓側貞觀間旌其閭邑素無鶴
時巢於墓人稱其地爲鶴林坪同郡張巨鏡母喪廬墓十二年觀察使李
承昭奏聞其家賦役吳海母喪亦廬墓十三年墓側產芝二十莖時稱三
孝子

吳興泉州莆田人屯田員外祭從弟時號長官神龍中以家貲築延壽陂
陂出萬餘頃復脮海爲田築長隄以障海水有蛟爲孽隄數潰興入水斬
蛟與蛟俱死鄉人建祠祀之今莆田稱水利北洋曰吳長官南洋曰李長
孝云

鄭晚泉州晉江人歐陽詹之妹嫁焉孝弟惠和侔於前哲時譽皆歸歐陽
詹銘其墓曰君子

劉常建州建陽人父喪廬墓七年廬前芝生兩莖建中元年刺史陸仲源

觀察嘗以聞詔旋門賜帛改里曰忠孝

林繼字會道拔從孫也泉州莆田人貞元初爲福唐尉聞母病棄還旋卒
哭泣盡哀負土作冢白鳥來甘露降德宗聞而哀之詔賜祿立雙闕表之
旌號闕下林家

陳執中字允之福州侯官人觀察使徐晦辟官幕下丁家艱負土營墓郡
守黎植楊發咸薦之終汀州司馬

陳謙字昌言福州侯官人乾符二年登三史科求便養爲本部長史歷春
部二州刺史所至有善政居官餘祿供之宗族親友謙恭仁孝稱美鄉邦
慈愛其先自南昌建州徙建陽昭宗時爲兵部尚書兼御史大夫性至孝
時當亂後例無俸給惟立功時有賞資哀悉散之部下父喪不能葬晝夜
號泣天忽雨錢三日始畢葬事所剩錢盡舉入官其鄰里僕隸得者悉化
爲土後人稱爲忠孝雨錢家

錢彥常建州建陽人昭宗時人與弟彥春俱仗信義年豐穀賤風羅藏之

遇饑饉悉出以濟貧乏其卒也鄉人廟祀之

張遂福州連江人大順中官至大理卿以孝義聞鄉人名其里曰義洋

李相本壽州人故姓口少跣跣好走馬屠博母李媪家素豐酤酒市中王緒未起時從媪賣酒數負責又醉毀媪酒舍相怒欲毆之媪躡之曰天下方亂此壯士也遂與爲刎頸交王緒起兵相從之王潮殺緒相匿其遺孤建齊於山中以其少子與建齊易名而呼居三日潮果索建齊其少子應曰諾遂見殺卒與建齊俱從軍居福州閩縣冒姓李至其曾孫榮乃復故姓兩家以兄弟數宋時子孫咸至大官矣

杯浦福州閩縣人唐末避地海濱凡山顛水涯可維舟處皆鑿井以給行人人名林公井及卒里人祀之

林巨卿福州長樂人有孝行葬父周廬墓三年甘露降墓次後應文行科出仕

黃嘉猷泉州晉江人事親居喪著至行載名唐書

范處士失其名唐末建州人舊志作政和人按政和縣置淳厚篤孝友生九子教以義方鄉人有爭訟者處士援聖賢之言開諭之皆化服去
陳寅觀察使陳巖之姪家於泉州莆田好善樂施年九十餘卒未卒先一日歷言百紀事皆驗莆人廟祀之

宋卷二

福州閩縣

周勣張浚帥福建時辟爲幕官時趙鼎貶潮州人莫敢相顧勣獨沿檄往
明州爲挈家屬寓居福之外邑坐貶封州

唐堯章字煥文祖父在紹興閒以綱運有功當補官棄不就出藏鏹二百
萬以賑貸鄉人疾革取券焚之遺命勿責償人皆以爲難

古田縣

李友直字直之以詩書禮樂教授鄉里無貧富貴賤隨賢愚啟迪之家貧
人所不堪處之恬然父亡事繼母以孝稱

長溪縣

王士奇字永叔慶元五年進士第知章爲達州教授士奇舉進士既中禮部試適聞弟計遂不赴廷對往蜀護喪歸凡六年而後就試當得官以母老乞祠當國者高其行堂除凡二十三考方法興化軍法曹浦城眞德秀語當路曰王法曹文行俱美尤孝於親當於古人中求之

寧德縣

余夢明字明甫事親至孝一日庭生異花逾月不變人謂孝感

長樂縣

林從世性好博濟因挈家貲遠遊治平閒至莆田聞同邑錢氏女築陂於將軍巖下弗成死之乃相溪下流於溫泉水口築陂捐貲十萬緡以給其役時人因號爲十萬陂陂垂成爲潮勢衝激而壞後侯官李宏築木蘭陂始克成功然實由錢氏女及從世開其先邑人立祠陂上祀李宏從世與焉

林通元祐閒登鄉薦邑令袁正規聘修圖經以錢二十萬爲謝却不受請以修廟學於是鄉人皆來助焉

鄉異親終廬墓六年有甘露芝草之瑞元祐三年舉經明行修有司改其里曰賓賢

羅源縣

林慙孫字達叟端平二年特奏名少孤奉母邑有寇慙孫負母逃採拾爲養備歷艱險寇定歸家市薪自給而尸蠶潔修鄉人名其居曰孝巷

陳偕字同夫官奉議大夫平海軍判官未任時家甚貧竭力孝養甘旨未嘗缺妻蕭氏亦善承堂上意每典質以供洗腆歡人稱其孝

鄭伯淵字秋浦教授鄉里邑青衿半出其門家饒於財見義必爲邑有三溪歲久中溪壅塞伯淵捐金發粟濬復之有士人作詩云十里清溪流活水連村綠稼有甘霖羅川野叟千年史秋浦先生一片心

懷安縣

陳顓性樂施與至老不倦子七人孫二十八人曾孫六十五人元孫一百三十八多顯佳者人以爲厚德之報

福安縣

鄭虎臣字廷翰歷會稽縣尉宋詩紀事引盧熊蘇州府志云鄭虎臣宅在時飲饌各有品目著集珍日用一卷元夕間燈實錄一卷當宋末役買似道于木棉庵即其人也按彼字景召而此字廷翰與蘇州鄭虎臣別是一人德祐元年詔謫賈似道高州團練副使循州安置福王與芮素惡似道募有能殺似道者使監押之貶所虎臣以父嘗爲似道所配毅然請行先是似道寓建寧府之開元寺侍妾尚數十人虎臣至悉屏去舟次黯淡灘虎臣曰水清甚何不死於此似道曰太后許我不死也虎臣在途撤似道輜蓋暴行秋日中令舁轎夫唱杭州歌謠之窘辱備至一日入古寺壁上有吳潛南行所題字虎臣呼似道曰賈團練吳丞相何以至此似道慙不能對行抵漳州州守趙介如似道門下客也宴虎臣於公舍欲客似道道似道不可以讓虎臣稱天使惟謹虎臣不答詰旦似道泣謂介如曰某夜來

得夢大不祥離此地必死無疑幸保全我留三日虎臣督催之甚急離城五里許小憩木棉庵似道病泄瀉欲絕虎臣曰我嘗爲天下殺似道雖死無憾遂拘其子與妾於別館卽則上趨其胸而殂後陳宜中至福州捕虎臣斃於獄

建州建安縣

郭周孚

舊志周孚二字誤倒

字仲先事母至孝熙寧間調湖州德清主簿遷知閩縣

嘗遊蘇軾之門聲譽藉甚居母喪哀毀篤至旣葬廬墓三年郡守欲以八行薦力辭服闋除朝散郎通判興國軍子擇仁登政和五年進士第黃毅字公輔初郡治遷徙不常民無定居毅所居地舊爲茶場盡獻之官以立城郭民立祠祀之

楊達卿家素饒里人以責逼將鬻妻達卿如數代償之值歲饑欲發廩賑濟而嫌於沽名乃募民種樹間日需口食多少給之粟數歲木長誠子孫毋自利以給居無室廬歿無葬具者邑修學校倉庫橋樑皆取材焉郡守

阮德柔作萬木圖以美之

浦城縣

陳大方字履道幼喪父哀毀如成人宣和中貢京師歸告其母曰天下自
此多事矣後三年兵起詔下州縣調遣居民相驚爭逃去或林與俱大方
曰去將安之吾又母老詣邑願護部夫以行令曰士也而辱此乎大方行
不顧於是當遣者皆趣發無敢留其後逋徙者官盡墟其家始服大方有
識說以恩授建州教授大方事母孝嫁遺女弟甚篤曰如是而後能使之
忘其孤也

陳子文好賑施遇歲歉責羅子文多賤糶之真德秀爲作勸糶詩云陽和
二月春草木皆生意那知田野閒斯人極憔悴慙慙問繇來父老各長喟
富室不憐貧千倉盡封閉只圖價日高弗念民已敝去年值饑荒自恨無
煎類幸哉活至今日復遇荒歲庶幾一飽樂養育謝天地豈期新春來米
穀更翔貴况又絕市無縱有溼且碎何由充饑腸何繇飽孥累恨不死荒

年免復見憂長我聞父老言痛切貫心肺行行至平洲境象殊相異白髮
玉不如一升纔十四問誰長者家作此利益事父老合掌言子文姪陳氏
起家本儒生疇昔樂賑施憶昨艱食時巨室爭謀利米斗三百餘猶收七
十二三都數千口受彼更生惠開庫質微衣假此賑貧匱取本不取息所
活豈勝計我曹非此翁久作溝中齒吁嗟薄俗中乃有此高義吾邦賢使
君愛民均幼穉一聞平糶家囊實無不至或與旌門閭或與錫金幣獨有
潁川翁寵光未之被故作行路謠庶微鈴齋遂且俾殖利徒聞風默知愧

建陽縣

熊如圭乾道四年歲大饑中產家無復蓋藏富人閉糶邀利如圭素力田
積穀發粟遺里人戶數斛後遇荒歲皆然復立義齋義莊以教養族人

崇安縣

胡淵字澤之有至性親老家貧授學浙江歲終度親所須力所能致者悉
市以奉養以俸餘錢不置置莊即里閭教授晨夕歸省諸生饋食有甘旨

持歸以佐母膳及子安國貴禮云云
存新以騰族黨之賀者累贈光祿
大夫辭隆銘其墓

劉民先堅守關累與計偕不合慨然曰吾親老矣豈宜日離膝下於是屏居奉養惟謹後以特奏釋褐民先有喜色曰吾豈貪一命者顧藉是可榮吾親耳及親卒廬墓三年終制不復仕

胡師徐字宗武登紹興十八年進士少孤事母盡孝名聞鄉閭朱熹稱其操行絕人母喪廬墓三年以祿不逮養遂不仕

游中孚字大信博聞強識李光知宣州中孚客光門下會寇李成擁眾攻城光議求援於岳飛道阻僣屬憚往中孚慨然請挾十騎從閒道走太平見飛飛與飲屢起請飛曰君姑飲援兵已至竟陵矣圍解光欲請於朝且之力辭歸隱

張孚宗字巖夫事繼母以孝聞未冠舉於鄉游朱熹門得爲學之要厚親睦鄰振貧恤乏邦人愛重之紹熙五年有盜焚掠里間自西而來至孚宗

鄉境而返後五年復作自東而西亦如之咸曰此善人也謹毋犯鄉人既賴以免孚宗乃倡爲義甲一家有警則甲眾畢集盜患由是屏息慶元初以累舉恩授官初調江州湖口縣尉改歸州推官辭不赴理宗踐阼以恩轉承奉郎自號玉峯逸老

詹復字仁仲景定三年進士爲金華令政尚節易迎母就養敦請再三母憊遠涉不往復寄詩慰母遂辭政而歸以終孝養

甌寧縣

張以中名禧以字行閩書張以中張禧分兩傳非是仕至都提舉父歿赴至哀毀踰禮自以親老宦游生不能養死不及殮哭死道中詔表其門曰純孝

黃昭武中四世孫自邵武軍徙居甌寧僉祐閒兩浙騷擾饑饉相仍昭武屢出粟賑其鄉人且告之曰若輩當以忠孝存心戮力捍守毋效猖獗眾感激出死力一方帖然

泉州晉江縣

陳繼文累世同居子嘉謀天聖二年第進士嘉祐寶元元年特奏名即守
蘇壽名其坊曰孝悌

陳彥達家貧篤義時出私財助公與人貧乏惠濟之讀書手不輟卷舍
數武爲別館中堂設圓牀環榻與朋友共食士無資者就彥達斷皆食飽
寒暑裘葛油膏紙筆之費皆無所吝鄭俠名其齋曰尚友而爲之記

王凱字和中嘗應八行舉徐師仁稱其履行無玷事父母篤孝廬墓三年
猶不忍歸

黃曉字公碩重和元年進士居父喪芝產靈堂前其葉累百調崇安尉有
鄭主簿廉而貧卒於官曉領喪卹之官終南劍州通判

陳好初名豪受學於將樂楊時後在太學同陳東上書留李綱東被誅變
名游瓊州因家焉

林頤壽字襄世

案閩書韋布門晉江既有林頤壽傳閩巷門晉江又復出

友未知

父附貢辟雍祖母楊苦背瘍潰爛徑數寸頤壽以敗腹在中浸

同異

旁肉楚不堪拭俟其熟寐舐之傅藥而愈廬父墓芝產焉廬繼母墓有白
鵲之應爲人講究經史工太書精方脈郡守陸藻以博物君子稱之里人
爲著孝友傳白號華陽處士

徐浩字東之開禧元年特奏名事繼母盡孝母寢疾累年扶掖不離側取
中幫廁踰躬洗濯之嘗爲汀州推官母子皆以高壽終

周強宗仕至承信郎母病幾危封股採療病遂復痊直德秀守泉州延至
郡中賓禮之

林彬字彬之家世孝義彬早預薦以母老不忍行時同邑楊寅翁累請嗣
侍父郡守眞德秀以二孝目之凡鄉閭義舉彬皆爲之倡晚以一尉終

謝應瑞淳祐六年郡饑自出私錢四十餘萬緡糴米賑濟詔補進義校尉
黃章取肝採母劉祥取肝採父並見眞文忠公德秀勸孝文又有趙希琳
取肝以療母疾

錢養性純孝母喪負土成墓結廬而居童腥不遇形容毀瘁終制過
運使聞其行舉爲州學教授士類推重國書云爲州學正案宋制各州無
學正官會要慶歷四年詔諸州
軍監各令立學又置教授以經術行藝訓導諸生當時或用兼官或舉士
人妻於諸司而未隸朝廷也熙寧六年始詔諸路學官並奏中書門下選
差治平熙寧中郡守徇州人之請兩聞於朝并繳褒所著志孝六篇乞召
試舉用以勸風俗不報

黃甫與弟旦並入右岸甫有疾旦刺股療之疾愈終不自言及旦疾甫燃
膏即天旦亦尋愈甫旦俱淳熙五年武舉甫知吉陽軍旦官至武經郎知
漳州甫子蔭補官歷知貴縣林宜等七州所至以廉惠稱

惠安縣

吳德彰乾道間兵荒父母俱歿於外時德彰尚幼欲求骸骨不可得稍長
乃以檀木刻像葬於山谷里人號其山曰香山

陳元吉年十二隨父山行父過石洞虎躍出銜父項鎗斮虎身虎不得噬
元吉直前連擊虎刺中虎目虎負痛走元吉乃扶父歸

德化縣

張興渭母病百藥弗痊興渭窮迫籲天欲剖肝以進母病立愈淳熙六年其門

林程棟慨尚義廣收圖史延宿儒合族子弟廩而誨之子楊休重和元年進士孫治淳熙十四年進士知閩縣嘉慶元年登第知汀州鄭師孟字醇仲操履純端爾凡閒書聖賢格言以自警三世同居睦族鄉鄰事親教子咸可師法

南劍州將樂縣

廖夷清字禮卿少孤力學友愛弟臣清甚至嘗省其姑退必感泣謂人口吾姑類先人臣清得官而天遺骸在唐州夷清跣下第至江南聞之晝夜哭不已匍匐往收方大饑道遇劫告以其故賊亦義之不害五試禮部皆不第慶厯二年特奏名賜同三禮出身未選而卒

梁伯臣字明道居家以孝友聞母得疾三十餘年未嘗斯須去側晨興奉